

夏天，那火辣辣的太阳，毫不留情地蒸烤着大地，天地之间仿佛一座蒸炉，让人透不过气来。炎热的天气，更是让人心烦意乱。杜甫面对炎热说：“永日不行暮，炎蒸毒我肠”，韦应物在夏天热的也说：“炎炎日正午，灼灼火俱燃”，宋代诗人晁补之也热的流下汗水：“湿础人沾汗际，蒸林蝉烈号时”，戴复古面对炎热的天气也热得：“田水沸如汤，背汗湿如泼”……

一热竟如许，古人用诗词告诉你，夏天能有多热!

苦热

唐-白居易

头痛汗盈巾，连宵复达晨。

不堪逢苦热，犹赖是闲人。

朝客应烦倦，农夫更苦辛。

始惭当此日，得作自由身。

苦热

唐-贯休

松桂枝不动，阳乌飞半天。

稻麻须结实，沙石欲生烟。

毒气仍干扇，高枝不立蝉。

旧山多积雪，归去是何年。

苦热

唐-齐己

云势峻于峰，金流断竹风。

万方应望雨，片景欲焚空。

毒害芙蓉死，烦蒸瀑布红。

恩多是团扇，出入画屏中。

苦热行

唐-王毂

祝融南来鞭火龙，火旗焰焰烧天红。
日轮当午凝不去，万国如在洪炉中。
五岳翠干云彩灭，阳侯海底愁波竭。
何当一夕金风发，为我扫却天下热。

和君时苦热

宋-彭汝砺

穷檐祇似在蒸炊，无事形疲心亦疲。
惟有清谈能胜热，终朝无处不相思。

苦热

宋-王令

土燥木根焦，禽穷自拔毛。
龙遗赤日走，天避火云高。
虎惧千山炽，鲸忧四海熬。
风微不饱腹，蝉亦为身号。

苦热

宋-郭印

纖云都扫迹，烈日正燔空。

人立洪炉上，鱼游沸鼎中。

四山浑束热，一叶不吹风。

屈指秋期近，清凉四海同。

苦热

宋-陆游

万瓦鳞鳞若火龙，日车不动汗珠融。

无因羽翮氛埃外，坐觉蒸炊釜甑中。

石涧寒泉空有梦，冰壶团扇欲无功。

余威向晚犹堪畏，浴罢斜阳满野红。

芦苞道中苦热

近现代-许南英

一热竟如许，炎荒热转加。

长途困行旅，烈日炙桑麻。

树影乘凉盖，泉声止渴茶。

舆中犹惮暑，还为仆夫嗟。

甘草子-苦热，于川中万县

现代-陈逸云

凝伫。帘卷高楼，新月窥窗户。

夜漏已三更，苦热祈风雨。

蒲扇轻衫仍苦暑。人间世、清凉何处。

天上寒宫能否住。愿化鹏飞去。